

**Pelantikan Khusrin cabul semangat federalisme  
Malaysiakini.com  
Disember 31, 2010**

PAS berpendapat perlantikan Datuk Khusrin Munawi sebagai setiausaha kerajaan negeri Selangor (SUK) yang baru merupakan satu lagi pencabulan terhadap hak negeri yang tidak sepatutnya berlaku dalam semangat federalisme.

Sebelum ini hal ehwal air yang sepatutnya hak negeri sudah dicabul, sekarang perlantikan SUK pula, kerajaan pusat campur tangan dengan mengeneipkan hak negeri.

Tindakan yang dibuat oleh ketua setiausaha negara yang melantik SUK tanpa berbincang dengan menteri besar menunjukkan seolah-olah negara hendak kembali kepada Malayan Union di mana semua kuasa dibolot oleh kerajaan pusat tanpa menghormati hak negeri.

Kerajaan pusat juga seolah-olah mengajar kerajaan negeri supaya tidak mengikut semangat federalisme.

PAS hendak mengingatkan kerajaan pusat, negeri Selangor ada tuannya. Bukankah kita diajar hendak masuk rumah orang ada adabnya?

PAS juga ingin mengingatkan BN, walaupun hendak rampas Selangor, berlawanlah secara anak jantan. Bukan dengan cara ini.

Kerajaan Selangor dibentuk dengan mandat rakyat yang sah melalui proses pilihanraya, bukannya dengan kudeta.